

Roazhon
D'an 04/06/2020

Da dud skolidi Diwan Roazhon ha Karaez

Teuliad heuliet gant :
Ao. Meriadeg VALLERIE
pgz : 02 23 44 04 33
meriadeg.vallerie@opab.bzh

Dave : MV/20/03

Danvez : Enklask war an treuzkas hag an ober gant ar yezh er familhoù

Itron, Aotrou,

Muioc'h-mui a vrezhonegerien yaouank a vez stummet er skolioù Diwan. Klask a reomp gouzout penaos e vez treuzkaset ar yezh e-barzh ar familhoù ha daoust hag-eñ en deus ar skoliata e brezhoneg ul levezon war live anaoudegezh ar yezh gant tud ar vugale.

A-du emañ savet rouedad Diwan evit ma vefe graet an enklask-se e 2 skol-skouer, m'emañ a-youl vat ar familhoù. Ne vo ket dielfennet ar roadennoù personel bet dastumet en un doare hiniennel ha ne vint ket skignet e mod ebet ; gwarezet eo buhez prevez pep hini.

Stag ouzh al lizher-mañ e kavot ur c'houlennaoueg 2 bajenn. Aes eo da leuniañ ha ne gemero ket pelloc'h eget 5 munutenn diganeoc'h. Alioù a zo roet deoc'h er pennad amañ dindan. **Un enklask bloaziek eo a-benn priziañ an emdroadurioù a-hed ar skoliata : m'ho poa kemeret perzh warlene, leugnit ar c'houlennaoueg en-dro evit ar bloaz-mañ mar plij, ha, ma n'ho poa ket, ho respont a vo deuet mat ar bloaz-mañ.**

En abeg d'ar gendestenn yec'hedel hon eus goulennet gant renerezh pep skol treuzkas ar c'houlennaoueg-mañ deoc'h dre bostel. Kasit neuze ho respont d'ar chomlec'h meriadeg.vallerie@opab.bzh dindan pemzektez mar plij. Gallout a rit ivez moullañ ar c'houlennaoueg hag he c'has deomp, leuniet, d'ar chomlec'h roet e traoñ ar bajenn-mañ.

Trugarez deoc'h evit ho sikour prizius.
A galon ganeoc'h,



Fulup JAKEZ
Renner

Alioù

Evit ma vefe talvoudus disoc'hoù an enklask-mañ ez eo pouezus e vefe respontet gant ar muiañ a dud, brezhoneg ganto pe get.

Divyezhek eo ar c'houlennaoueg met trawalc'h eo he leuniañ ur wech nemetken. Dibabit ho yezh.

Ur c'hombod a-ratozh zo evit pep kar e taolennoù zo : askit ar garezennig a glot gant degouezh pep hini mar-plij ("k 1" evit ar c'har 1, "k 2" evit ar c'har 2).

Cheñchamantoù zo bet en ho stad familh abaoe m'eo krog ho pugel (ho pugale) da vont er skol Diwan (disparti da skouer) ? Leugnit ar c'houlennaoueg diouzh ar pezh a ouzit eus degouezh an eil kar (k 2). Ma n'oc'h ket sur pe ma n'eus respont ebet e c'hallit leuskel digroaz kombodoù an eil kar.